

## ZO MER INÉNS

## TON CUSTERS

**G D Em C Am7 D G D Em C D G**

Doe höbs 'n drökke baan, nao vief oer nag 'n uurke door  
 Thoes det liek ouch dök zat nag geweun op 'n kantoor  
 En den inèns dae ómsjlaag 'ne morge effe vrie  
 Morgevreug den bön ich vas en zeker toch weer hie  
 Mer 't doerde langer en 't bleek inèns veur good  
 De draod opnuuj weer opgepak op zeuk nao goje mood  
 Doe wils nemes dao neet thoes neet  
 in de kaaj laote sjtaon  
 Mer wèrk en zorge same bleek toch neet vanzelf te gaon  
  
 Zo mer inèns den waerd alles anges  
 en al 't angere det geit geweun mer door  
 Doe höbs dien werk, dien vrunj en dien verhaole  
 Mer toch inèns is nieks meer wie 't woor  
 Wils gaer dae mantjel zin  
 veur dae die wermte neudig haet  
 Mer wie of waat doe wachs op emes dae 't zaet  
 Zo mer inèns den waerd alles anges  
 Zo mer inèns, Zo mer inèns,